



Broj: 02-11-1041/25-AP-2

Datum: 6.5.2025. godine

Na osnovu člana 4. Zakona o zdravstvenoj zaštiti FBiH („Službene novine Federacije BiH“, broj: 46/10 i 75/13), Zakona o liječenju neplodnosti biomedicinski potpomognutom oplodnjom („Službene novine Federacije BiH“, broj: 59/18 i 44/22), člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), Programa utroška sredstava planiranih u Budžetu Grada Zavidovići za 2025.godinu u odjeljku „Rashodi i izdaci“ potrošačke jedinice-glava 13208 Služba za upravu društvenih djelatnosti, pitanja boraca i opću upravu, sa pozicija „Tekući transferi i drugi tekući rashodi“ i „Kapitalni izdaci“ - Odsjek za društvene djelatnosti i opću upravu, broj: 02-11-859/25-AP-2 od 15.04.2025. godine i člana 12. Privremene statutarne odluke Grada Zavidovići („Službeni glasnik Općine Zavidovići“, broj: 4/22), Gradonačelnica Grada Zavidovići raspisuje

J A V N I P O Z I V

za sufinansiranje troškova vantjelesne oplodnje bračnim parovima
sa područja Grada Zavidovići

1.

Predmet Javnog poziva

Predmet Javnog poziva je sufinansiranje troškova za pružanje medicinskih usluga vantjelesne oplodnje do dva ciklusa tokom 2025. godine za bračne parove.

2.

Finansijska sredstva

Finansijska sredstva za sufinansiranje troškova vantjelesne oplodnje obezbjeđena su Budžetom Grada Zavidovići za 2025. godinu sa Tekućeg transfera za pomoć mladim bračnim parovima za vantjelesnu oplodnju .

3.

Kriteriji za ostvarivanje prava na sufinansiranje

Kriteriji za ostvarivanje prava na sufinansiranje troškova vantjelesne oplodnje su:

1. Da je žena koja podnosi zahtjev u bračnoj zajednici;
2. Da oba bračna partnera imaju prebivalište na području Grada Zavidovići najmanje godinu dana do 01.01.2025. godine;
3. Da se trudnoća ne može postići drugim načinima liječenja, nego samo u postupku vantjelesne oplodnje;
4. Da žena nema više od 45 godine života;
5. Da je potrebno uplatiti ili je već u 2025. godini izvršena uplata za postupak vantjelesne oplodnje koji je u toku, u nekoj od faza ili za ciklus koji treba da počne.

4.

Potrebna dokumentacija

1. Uvjerenje o kretanju za oba bračna partnera (izdaje MUP, Odsjek za administraciju Zavidovići);
2. Izvod iz matične knjige vjenčanih;
3. Nalaz/dokaz za potrebe liječenja neplodnosti metodama vantjelesne oplodnje, izdat od nadležne ginekološko-akušerske klinike ili specijaliste ginekologije koji se bave humanom reprodukcijom u javnoj ili privatnoj zdravstvenoj zaštiti za žene;
4. Predračun, račun ili dokaz o uplati sredstava za postupak vantjelesne oplodnje koja je u toku ili se pokreće;
5. Potvrda iz banke o otvorenom bankovnom računu na ime podnosioca zahtjeva.

5.

Dodjela sredstava

Dodjela sredstava će se realizovati na osnovu zaključka Gradonačelnice Grada Zavidovići o odobravanju sredstava za sufinansiranje troškova vantjelesne oplodnje, po pojedinačnim zahtjevima podnešenim na osnovu i u skladu sa uslovima iz ovog Javnog poziva.

Novčani iznos sufinansiranja postupka po jednom bračnom paru, za prvi ciklus u ovoj godini (plaćeni troškovi i prvo obraćanje u tekućoj godini) iznosi 4.000,00 KM a za drugi ciklus 3.000,00 KM u tekućoj godini.

Sredstva se ne mogu odobriti kao refundiranje troškova završenog ciklusa vantjelesne oplodnje bez obzira što je isti bio ili je okončan prije objave javnog poziva u 2025. godini.

6.

Rok za dostavu prijava i podnošenje prijava

Prijave sa potrebnom dokumentacijom, koja mora biti originalna ili ovjerena kopija, se mogu podnijeti neposredno nakon objave Javnog poziva putem Pisarnice Grada Zavidovići ili putem pošte na adresu Grada Zavidovići: Ulica Mehmed paše-Sokolovića broj 9, 72220 Zavidovići na propisanom obrascu zahtjeva, koji se može preuzeti na info pultu zgrade Gradske uprave Zavidovići i na web stranici Grada Zavidovići.

Javni poziv bit će otvoren tokom 2025. godine do utroška sredstava sa predmetnog Transfera.

7.

Razmatranje prijava

Pristigle prijave razmatrat će Služba za upravu društvenih djelatnosti, pitanja boraca i opću upravu, te uredno podnesene i potpune prijave sa prijedlogom Zaključka o odobravanju sredstava uputiti Gradonačelnici Grada Zavidovići u dalju proceduru.

8.

Objava javnog poziva

Javni poziv bit će objavljen na web stranici Grada Zavidovići i Oglasnoj ploči Grada Zavidovići.

GRADONAČELNICA

mr. iur. Erna Merdić Smailhodžić